



攻媿先生文集卷第一百十三

四明樓鑰大防

墓誌銘

戴伯度墓誌銘

紹興三十二年某叨薦于鄉時二戴皆在前列
曰棧為詞賦之冠曰樟以周禮選長字伯度次
字伯臯戴氏世為鄞人居桃源鄉曾大父侃以
財雄大父冕以通經屬文上禮部不及仕而卒
父汝明能傳家學見二子蚤歲競爽尤篤意訓
教母夫人朱氏亦課督之一日俱擅場屋聲父

以二子故尋封至宣義即賜五品服母封孺人而戴氏愈著伯臯擢乾道五年進士科終諸暨丞伯度至紹熙之元始以特恩補官鄉黨固已歎其晚暮才歷金華簿待次鐵冶而一疾已矣實嘉泰元年二月甲午也君之子燧以行狀踵門泣且拜曰旣已忍死洽墳於鄉之萬畧將以十二月丁酉襄事敢求銘於先友余亦為之泣曰益嘗銘子之祖矣忍銘吾伯度耶讀其狀則袁和叔之文也和叔不輕許可又為伯度內弟知之尤深無一語溢美又念頃與昆仲定交晚

於伯度益厚君之歸余偶苦足疾竟不及一見遂備錄所狀益以見聞而系之以銘惟昆仲皆游郡庠朋儕歛社畏之伯度尤長於賦俊逸而不肆妥帖而不局體物匠意有前輩風君初調迪功郎紹興府蕭山縣尉未上丁宣義憂服除始為主簿官雖卑惟旣厥心夜漏未盡而起旦即坐曹簿書鈎校不遺纖微卑吏莫不苦其勤憚其嚴而心敬服焉事不詭隨亦不苟異每以出位近名為戒歷事五太守或寬或嚴同列或未免少變君趣操自若曰吾知盡吾職角田賦

之入異時涖其事者有刻下奉上以溢數為能
輸者苦之累月而未畢漕以屬君更前之為僅
兩月告具負弱下戶有積年未及輸者守俾督
之君詢究得實言於郡曰民畏法敢有不尽吏
擅私隱欺尔郡計幸無乏奈何重困吾民守悚聽
亟命蠲減合七方餘緡先是縣吏輕侮士類
被以惡名有赴愬者多沮挫不能自直而真為
姦者庇之君處心公平於吏無所聽沮者神而
庇焉者屏迹邑人稱誦之守與憲交薦其詞甚
美既終更令丞相謝公一見深念之以為提點

江淮湖北鐵冶鑄錢司檢踏官踰年會屬疾以
承務郎致仕終于家享年六十有七娶汪氏二
子長即燧也次炳女適嚴仲游伍玠方復嚴輔
之皆里士孫男塤塤一女君風規峻整志尚卓
犖恥與碌者伍平居介然未嘗諂辭令色蘄悅
于人非道義之契不與深語區別善惡若己
甚者而德性溫溫曾懷四遠不設防畛色恭親
闡恪謹朝夕不敢少忤其意友愛諸弟於仲氏
尤篤拊存孤嫠族黨稱述初師事鄉先生高公
開而深為先生之兄侍郎公所器重自是為學

愈力有勝已者必從之研究講切日進而不止
根本諸經博采百氏喜史漢書叙事奮筆效之
沛若泉湧英詞麗藻出必驚俗愈出而愈新尤
工偶儷之文如觀寶藏金珠象犀爛然溢目喜
作七字詩多閏風教有螫齋集十卷蓋庶几乎
詞人之秀一第易爾而困躓若是人為慨嘆君
處之怡然無隕穫憔悴之色晚得一官稍見施
設方為當路所知則又不幸而病、愈復作竟
致大故嗚呼如彼其才發摠素蘊足以顯于用
顧若是而止乎然君之持身傳後自有不可泯

沒者官金華也俸入至微而尉廩差厚守曰主
簿尉官等爾而勤怠有間勤者薄而怠者厚可
乎使均之固辭不許曰吾以懲勸官吏非為主
簿也然卒不受其義利昭晰如此官事稍暇時
從名勝相與講貫有日新之益教詔二子朝夕
諄、無非切已曰吾平生所守不欺二字而已
其子亦刻志自立親炙師友將大其門君之培
養根源顧不厚哉銘曰

昔吾鄉兮兵燬求故家兮無幾訪戴氏兮故廬
自熙寧兮經始歎古風兮猶在信不陋兮不侈

川流兮無窮喬木兮高風忽不見兮伯度儼丹
青兮德容嗟二雋兮齊名抱器業兮長終百不
試兮一二泣遺藁兮烏從幸素業兮有傳庶不
悼兮土中表斯銘兮宿草尚過者兮必恭

駱觀國墓誌銘

易道不明久矣夫子之於易不可及已然讀之
至於韋編三絕是時十翼猶未作也近世通易
者莫如康節先生亦寫易一部貼屋壁間日誦
數十徧今之學者未論明易能讀者蓋寡嘗聞
旁邑有駱君觀國能凌晨暗誦全帙大寒暑如

一日至老不廢每嘆以為難及而未之識近者
叔父學賓與從子沐致郡博士楊君成已之意
云有里士駱士宏與之有連求志其先人之墓
既而沐又介以見泣拜且請就閱行實即觀國
也乃為序而系之銘駱氏統仕具為偏將軍封
新陽侯姓苑曰東陽人又曰會稽烏傷人至唐
有賓王以文章顯貫義烏實烏傷也五季之末
有友義延訓者相繼為台守自義烏徙寧海遂
為邑人君諱季友觀國其字也曾大父益大父
全父恂世為著姓君於兄弟為季幼敏慧父奇

愛之多買書而題其卷末曰留遺子孫君少長
即感勵力學未冠而父與長兄俱亡母項氏以
悲憂感疾氣瘵如石鍼藥弗及君勑屋一區寬
明溫清娛侍無闕家人化之未期年而頓愈至
九十以壽終鄉黨稱孝事仲兄尤謹協力克家
嘗讀佛書有感脫略世故逍遙林壑者數年儼
若凝思專以達性為事聞儒士釋子有理學明
徹者不問遠近必往叩請後果通悟幡然而歸
曰吾乃今知天地萬物初無二致儒墨殊塗而
同歸求其體用且存者莫大乎吾聖人之事業

精義入神所以致用由是求為有用之學家政
益井：有條年近五十不復作出仕念讀書必
研究至極嘗自嘆曰若欲窮理盡性知時識勢
開物成務無出於易非員機之士孰可與論是
哉其子至前問取卦爻象辭以警之使之通貫
而後已子雖鍾愛十歲即就外傳有名士必使
從之遠亦不憚歸必使誦所聞士宏讀孟子至
引而不發躍如也君撫几三嘆令掩卷曰此
正孟子警拔人處既不待發尚思其所躍如者
何以得此此不可以口耳章句求之語至數四

士宏聳然因名以躍而字以子發後始改焉淳熙間高宗慶霈封迪功郎致仕非其志也鰥居二十餘年不復再醮獨處一室植竹繞榻而讀書其中雍容閑雅作詩如其人暇則風詠以自適日涉家圃好吟歸去來辭其於聲利澹如也性耿介事有曲直必為之辨柝里人憚之感疾既革神閑氣定不異平時至親環立忽語之曰生必有死世間止如此爾初非異事命筆俾書四句頃之氣絕慶元五年十月七日也娶同里魏氏生一男士宏也二女長適進士王夏國

子監丞知信州及之堂弟次適揚考叔成己之從兄也孫男五人朝宗光宗儒宗可宗皆業儒開宗尚幼以嘉泰元年九月十四日葬君于縣北大中山之原合孺人之墓余將屬稿會閩風劉允叔次臯過余問以鄉評曰此真吾邑之善士也贊余銘曰不歸而良非也事亦不歸也君之於易日讀一通百編義見况終其躬學成不試得正而斃積慶之餘尚啟來裔

紹興李莊簡公光以直道大節屹然為中興元

臣聞四明曹公粹中之賢妻以長女翁壻間自為知己學問大率以躬行實用為先真有冰玉之譽君其仲子也天資穎悟記誦絕人長而力學既有家傳而又源流外門氣節自許詞章煥發落筆千言仕雖不顯而見於政事有可紀者足為一世名士余里人也客授東嘉君時主平陽簿深歎其不可及交情日深三十年来君之文益工政益明操守益固方相期為世用而遽凶矣哀哉將葬君之子孝忠以行錄泣求銘君諱虛字困明明之定海縣人曾祖慎微贈宣教

郎祖實贈奉議郎曾祖妣袁氏祖妣閔氏黃氏皆贈太孺人父朝散郎建寧府通判君既升朝累贈中奉大夫妣太宜人乾道三年君以中奉致仕恩補將仕郎明年銓試上等授迪功郎為平陽主簿次調江陵令遭內艱淳熙九年循從政郎監行在贍軍激賞酒庫十五年以舉者政宣教郎知秀州嘉興縣既書再考引親嫌改知福州長溪縣慶元改元通判楚州六年授福建轉運司主管文字積官至朝請大夫嘉泰二年九月朔以疾終于官舍享年六十有八娶陸氏

封宜人子二人長孝忠也將仕即次孝先當被遺澤一女尚幼十月還鄉三年三月癸酉葬君于奉化縣禽孝鄉童隲先塋之側宜人祔焉君兄弟競爽而君尤俊邁不羣十二能作舉子業未冠已博綜經史百家之言天文地理與夫天下形勢兵家之學靡不通貫詩章文賦命題立就動輒驚人少嘗留題寧都金精山有曰手擎白日浴滄海氣使列嶽如群兒中奉見之為失色且戒以力除此等氣象見其留心詩文以為當究徑術務為實孝君自是日則幹蠱夜則讀

書昏定率飲三盃君止求小盃署書燈上至四鼓酒溫始一引而寢奉親盡於敬愛不忍頃刻違膝下貧不足養恐貽親憂至躬負米之勞中奉被疾衣不解帶藥必先嘗既葺許誦金剛經萬卷誦之終身至于倍蓰自少攻苦食淡忍貧自克奉身至薄至用於義則不吝尤篤於友愛伯氏多女為嫁其二餘又厚助之介弟寓江陵遠宦相值情好尤篤見其子與能書不翅身得之喜幼弟早亡撫其孤為次子即孝先也其在平陽能聲已著上司委以事幾無虛日訟者亦

多自請求決士民歸心去而挽留殆不容行侍
郎曾公逮自溫除漕深知其才而薦之大卿辛
公棄疾帥江陵治盜素有盜牛者配江州吏緣
其意欲沉之江君慨然稟白公改容歎賞卒
俾如今寸金隄去城二里實捍大江衝突之患
歲役人夫數千具文而徒勞君調天均平躬自
督課增卑培厚以為求利又以農隙脩築沿江
官隄使前日巨浸衝決之地復為膏腴流移歸
業耕墾日闢諸司公舉具載實跡南軒張公栻
尤知君引置簽幕其舉詞有云直論敢言不肯

詭隨有足嘉者推酤餘杭京尹尚書張公杓韓
公彥質更薦之遂以更選公餘任刀筆之頃談
笑揮翰無難色嘉興劇邑且當孔道牒訢山積
君以五鼓秉燭治事遲明而畢人歎其敏既至
長溪辛公帥閩以鬻鬻監來委君謂縣為出產之
地開國以來未嘗與民爭利持不可帥怒易糾
曹比至帥已釋然不使就職相與觴詠蒲旬會
貳車闕即以處居其在山陽尤悉邊事帥漕德
餉合詞乞不次擢用嘗論五事一乞令楚州守
臣仍舊節制出戍軍馬二乞門壽河以為山陽

饋餉之備三乞申嚴淮楚四乞止用官會不必
再印兩淮鐵錢交子五乞開淮東荒田以實邊
儲習邊事者皆以為當思欲一登玉陛方寸之
地以吐膏臆而所向不偶性素剛銓部偶有漕
墓見次授之以歸會閩中歲旱白使長此不可
謂細故縹黃禱祈亦置勿論辨析滯訟疏決岸
獄加以振貸庶可感格貳鄉魯公炎悉從其說
隨獲甘澍君位不稱德其見於政事者止此中
奉詩易皆有傳先以詩傳俾某為序而刊之遺
藁自申至辛凡八帙尚可傳遠也君之屬文兼

備衆體 高宗七十之慶一時文賦表頌獻于
闕下者無慮千數君進賦篇無媿古作尋有旨
付後省看詳取文理優長者十人以聞給事王
公希呂中書舍人鄭公丙李公木以君為第六
觀者無不嘆服其工開府吳公据倅京邑監漕
臺試夢神人以黃牒書君之名者不能遽識明
以語同事俱異之君時自平陽來試吳得君名
而喜已而果在選中比為浙漕君引夢事為詩
以見之吳公加禮焉君抱負不凡動以古人自
期標致甚高不合於俗每謂占其取美以求合

孰若行吾之志宦雖不顯而氣不少惜所至放
達不暇商計嘗嘆曰識貞者少從古以然知我
者希則我貴矣君御家嚴整居鄉尚和父老童
孺相為爾汝非意相干自能理遣晚卜築奉川
一區雅潔聚書萬卷多乎自讎校每言夜以一
燈使婦奉姑別以燈觀書積學老不衰客至
則討論古今觴詠奕棊意殊不倦客去則凝坐
一室多採釋氏高勝之言可以警悟者書之坐
右自號牧庵居士不喜雜交以傍人門為耻翫
辭兀傲自適其適既不能少貶以求進使得壽

考為鄉里老成夫豈不可中更游宦處此室戶
僅十稔而夫婦俱以喪歸可哀也已宜人世居
台之寧海曾祖熙祖宸父之襪起於富室而溫
恭勤儉無媚姑之私事姑相夫婦道惟謹君有
幼妹寡居君欲奪而嫁之妹自以姑嫂相處三
間不願再適同居二十年此尤可稱者君之成
家出處無玷缺內助為多年才五十有二先君
一年卒七月二十有一日也孝忠痛怙恃之繼
止併求著其母之矣亦君平時之所稱者率聽
書之以慰孝子之思云銘曰

矯：困明天与令姿季有自來而文益奇駢四
儷六篤論工詩奏賦明光大放厥辭見於有政
精敏光輝才高位下知我者希曾中耿、噤不得
施吾徒掌制媿於先之仇儷同穴行道與悲我
銘其藏慰爾孝思

參議方君墓誌銘

余為兒時先光祿知烏戍已知秀州史君方公
之名既冠公守四明才三閱月而去民歌之至
今乾道七年由永嘉郡文季為秀之考官公方
奉祠居城中訖事始得一拜床下侍德容聆教

言從同事者各詢其鄉里官所之詳故家意象
寬弘歎仰前輩風度以為不可及公既云亡始
識其子夷吾納交雖淺而意甚親後二司府夷
吾之子叔恭為打套局喜其有父祖之遺風遂
薦之幸遂識方氏三世嘉泰元年聞夷吾以九
月八日終于家二年叔恭等既以二月甲申葬
君子臨安縣靈鳳鄉婦長山之原祖禰蒞次以
書來求銘新浙西參議官王明清仲言實余所
敬娶君之女弟既狀其行又助之請仲言有史
季書詳備乃據其實而系之銘君諱道夷吾其

字也方氏自周之方叔以來遠有世譜後居嚴
之鷓鷯原晚唐元英先生以詩鳴七世而措以
進士起家仕至駕部員外郎生蒙朝散郎尚書
屯田員外郎贈銀青光祿大夫君之曾祖也妣
陳氏贈永嘉郡夫人祖元修朝請郎大名府主
管機宜文字贈特進妣王氏贈餘杭郡夫人父
滋敷文閣孝士通議大夫累贈少師妣李氏贈
越国夫人少師未四十而專城擁麾幾徧東南
所至有惠愛晚登從班隱然爲一代名臣及見
正始源流深遠所交皆當世名士在二廣八年

自趙忠簡公昂張忠獻公浚洪忠宣公皓李莊
簡公光諸巨公皆爲秦氏所擯斥流散湖廣或
在海外秦方吳羅織之獄急進者睥睨遷客以
爲竒貨少師獨一一以時存省饋遺濟其乏絕
不幸歿於煙瘴者又爲津致北歸旁觀者危之
曾弗之卹竟亦不能害此其最爲世所稱君忠
堂孝謹目濡耳染之久故濟物之心切因得師
承侍郎橫浦張公九成又從御史樊公光遠三
山宗丞林公之竒游講究精微達識宏度是以
似之局於名位雖不得展布而平生出處有可

書者紹興十九年以郊恩補將仕郎尋兩該恩
例循右從事郎二十一年差充總領淮東軍馬
錢糧所幹辦公事改辟福建路安撫司主管書
寫機宜文字少師罷四明寓姚江不忍去側自
監潭州岳廟凡兩任 孝宗登極循右文林郎
乾道初元少師出疆以親屬恩循右承直郎差
充兩浙西路提點刑獄司幹辦公事七年入幕
冬遭內艱九年丁少師憂淳熙三年監兩浙運
司造船場八年改通直郎知湖州武康縣明年
明堂大祀賜緋衣銀魚十二年差通判平江府

十六年 光宗覃恩授朝散郎紹熙二年到官
五年差知沅州 主上覃恩授朝散大夫請祠
主管建寧府武夷山冲祐觀三年差知黃州復
請武夷之祠久之差淮南安撫司參議官而遂
已矣享年六十有九積階至朝請大夫娶常氏
御史中丞同之女君之姑秦國太夫人所出封
宜人相敬如賓動合法度閨閫視以爲則子男
三人長叔恭也朝奉郎新通判臨安軍府事次
叔寬宣教郎淮南東路提舉常平司幹辦公事
皆賜緋魚袋次叔敏繼季弟後承事郎新監鎮

江府大軍倉女四人長從釋氏次適進士張溥
厚次適計說季尚幼孫男亡人熙將仕郎點將
以遺恩補官默然然女五人長未行次適承
奉郎知常州晉陵縣承張佺齡次許嫁四明史
文卿次許嫁進士李景藩餘尚幼初君在憲幕
王丞相淮為使長雅知君賢君亦疚心協贊多
所平反德清縣鞫茹菜者數十人請論如律君
究其實乃隣邑鄉民因售薪致競為怨家誣訴
兩造俱斃案中皆牽連者又娶有倡家子規富
室之產既已伏辜而囂訟不已君悉白使者平

其獄魯公大喜欲以論薦而君憂去矣船塢在
華亭造船本錢舊屬五郡期會玩弛歲額浸虧
君克勤細務額既登足異時關廩貸物者俱償
之漕司於青龍鎮初許浦移屯賽屋三百餘間久
之未定君承檄定基既便於事請以所征商
販木植為用尅日而办仍為痛除重征之弊武
康密通行都易致越訴君律身既嚴剖決公平
不科罰一錢寬猛得宜訟亦衰少縣出絲纒賴
以濟稅課郡利其羨使別儲以俟命縣乞所從
出商人患苦倍征旁出山蹊公私交病君請於

郡復舊規蠲宿逋中法禁減則例以招之曾不
踰時來者輻湊并邑亦爲之改觀米運至豐儲
倉退卻至數百斛典吏鬻妻子不足以償君爲
於他州賤糴取贏以補其數又以餘貲代下五
等畸稅義役良法也行之或反以致害君更立
規式勸諭誠篤民咸信之追科不事鞭扑間出
郊野食用百頃皆以自隨年穢粟之擾於是爭
先就役他縣至取以爲法後有欲更張者老穉
叩閣幾二千人竟仍其舊嘗久雨有恠民昌言
水且大至人皆悚懼謀避亟捕至庭焚其書械

繫以俟期既不驗杖而遂之有訴夫久出不還
知其必死而迹不明者君爲設方畧得姓徐者
一問即承境內盜賊帖息兩場致禱多驗洵值
豐歲上下熙然富容任公紳諫議古之從兄也
靖康失母長齋泣血以求之虜婦我河南徒步
走北方奉之以歸孝行上聞擢勅令所刪定官
改秩主管官告院母終廬墓事之如生与世相
忘久矣君訪其家列其高節於朝控懇備至遂
賜金紫聞者欽嘆風化之美提刑劉公穎行郡
謂太守曰自蘇至此惟武康无一詞至前蓋君

專務行所奉視四境如一家不表暴以取赫
名而民受實惠便坐有梧桐瑞香一日甘露降
其上品芡潤液挾日不晞邑人聚觀士夫形于
歌詠者數十人其去也遮道挽留越境追送者
不以數計此豈可力致耶吳門最号劇郡君閑
決閑暇二卿沈公揆同里之舊相得甚歡外臺
多屬公以事年不得其平兩攝郡事尤為得體
扶滿久滯逆旅今丞相謝公深甫大資政趙公
彥逾俱在起部亟稱公始有沅州之命黃州陞
辭乞銓擇巡檢以備不虞又論犯茶鹽之禁多

妄引仇怨与多藏之家乞不許淹延枝蔓敷湊
詳敏上甚悅皆見於施行逾年會言路中七
十之制君官簿適及即為納祿計再就祠祿又
授議幕皆非其志也吳門苦旱嘗躬禱於橫山
龍母祠有隨車之應都城延燔之後人情未定
秀亦連歲大旱公憂惴尤甚若任其責者率里
人禱於道宮極其精誠至四晝夜兩為霈然既
病猶以裕民之要聞于廟堂丞相擊嗟致謝少
師在番禺羅致洪忠宣公長子适為屬丞相文
惠公也仍命君定交共處郡齋文惠入相然後

引之退然惟循塗守轍而已入仕甚早重去親側居官之日可數若割股以救越國之疾執親之喪號慕幾致滅性皆人所難誦列子如流達其旨與尤喜讀通鑑策其治亂原委往々懸合嘗論太湖高於運河當䟽雲川浦淩之要者度無飢歲後湖守得其說爲之果有功焉少師揚歷最久非令甲當給者悉不取閑居又戒子民爭利君守遺訓惟謹歲歉或食不足未始以語人也取友必端志趣相投一見如平生歡苟非其人雖強附弗与年甫弱冠夜聞有溺于江者

竭力拯之從叔希文以窮來歸少師解衣推食君又爲畢其喪娶婚嫁事隆興二年虜犯淮少師守鎮江警檄交馳君日視烽火安危之報多至夜闌軍士有失号者法當誅君默念之尋訪而還其人少師喜爲似我也明年凶荒之後饑餒盈路嬰孩悲啼不忍聞君取道旁數十人育之皆遂全活既長男女各有所歸或詢訪其家而還之好周人之急假貸亦隨力而應之施藥餌以濟貧疾歲時酒炙以遺隣里先有小圃相羊其中客至稱家有年歡宴終日不倦蘇氏女

兄既寡奉之盡禮晚年姊弟合處夫婦垂白子孫衆多簪紱滿前雍睦之風鄉閭稱焉又以平日見聞爲覺齋見聞錄病中呼子弟戒以孝弟保家終制從約書四句偈以見志幼嘗有得於佛書長從大慧宗果游且死猶誦果舊所遺法語而逝是皆可銘之曰
惟方叔之在周兮以壯猶而爲勇子孫蟬聯兮見衣冠之光寵元英出晚唐兮擅詩名而最重六傳七傳兮爲名臣於我宋仰少師之深仁厚義兮有盛德之邁種禱祠求子兮感精神於吉

夢君之初度兮信釋氏之抱送字量是似兮惟慈顏之是奉孝弟根於心兮利欲不爲之動推是心以徃兮仁將不可勝用源流老蒼兮孝年不隳策千古之治忽兮寤冲虛而成誦小試雖不聘得兮著聲望之已聳片言可以折獄兮幾空庭而年訟蹇挽須与扣閣兮何不約而有衆致甘露之下墜兮著碧梧而流澶懷憂世之心兮不敢諫而以諷吐其一二以自見兮言必有中悲長者之云亡兮非夫人之誰慟幸相從於九京兮依上世之丘隴詩以颺之兮顧何取於

折衷尚後之人傳業考度家風之接踵

知鍾離縣姜君墓誌銘

嘉泰元年春姜君子謙赴鍾離既餞之又爲考
濠梁故迹爲大篇以贈別所以期之者甚遠也
明年冬初其兄鈐轄子陽來見涕泣而言曰鍾
離弟將亡矣以書來相報亟往赴之袖出其書
言甚悲而不亂謂得疾之不可爲而復甦殆不
可免婦弱子幼非兄來不可其末猶曰見攻媿
尚書爲致永訣之意某爲之失聲而泣然猶冀
其無恙也未幾而訃至比間閱扶喪以歸往哭

之哀見其遺書一卷甚稱又曰求攻媿數語以
表吾墓其友袁木叔慙又得書云欲懇攻媿求
銘而孤介能自植立不肯頽墮惟子深知我望
與發揮之嗚呼子謙死生之際不亂如此而何
拳拳於我之銘將葬木叔爲述其平昔大槩文
核而事實子陽又以見屬余不得而辭也君諱
柄子謙其字也家世汴京曾祖旣故右侍禁閣
門祇候贈武德郎祖寬故成忠郎閣門祇候贈
吉州刺史以靖康避地始徙鄞今爲慶元府人
父浩故武顯大夫累贈和州防禦使君旣陞朝

改贈宣奉大夫母朱氏仁懷皇后姪也封宜
人累贈碩人君初以世賞補承節郎監潭州南
嶽廟秩滿充樞密院準備差使淳熙十二年轉
保義郎監行在豐儲倉丁宣奉公憂服除辟差
監婺州蘭溪酒庫十六年覃恩轉成忠郎紹熙
四年轉忠翊郎是年登進仕科改授承務郎知
臨安府於潛縣丞五年覃恩轉授承事郎慶元
三年轉宣教郎知濠州鍾離縣五年轉奉議郎
呂疾卒於縣治十月四日也享年四十有九娶
魏氏丞相文節公母弟知寧因府涇縣招之女

封孺人男一端女二長許嫁迪功郎新黃州黃
岡縣尉司馬遂三年九月乙酉葬君於縣之豐
樂鄉東山唐家嶼之原從治命也初姜氏之富
甲於京師而喜延名儒以立家塾宣奉記覽多
聞教子弟尤力兵火流離貧財蕩盡銖積寸叅
以立門戶雖事力不及上世之一二而儒風寢
昌矣宣奉之弟諱濤始登科於紹興十二年終
諸王宮大小學教授君與四兄皆朱出模四取
漕薦棫蒙孝宗召對特除閣職樸雖抱疾不
仕其子有場屋聲桐即子陽也子君同升禮部

君最幼一再垂翅南宮必欲以科第發身感慨奮發蚤夜力學不知飢渴寒暑蚤蚤嗜膚洛誦不輟謂事不成則無面目見先人於地下卒遂其志又與子陽之子光同登後六年光之弟燧復躡世科自爾兄弟之子薦漕臺登胄監入太學者相繼實自君興之在密院時已名薦書不以官卑而辭勞近郡有禁卒犯階級而主帥不以實聞君上書摠使周益公謂軍政不修緩急何以使人語苦切益公大竒之宣奉之喪或言可免解官者君曰吾忍爲此哉倚庐三年哭不

絕聲不茹葷亦不入於家寺丞呂子約時仕于明見其居處容兒愀然動色遂相與討論喪禮洗末俗之陋後數年貽書朋舊猶曰君執喪有禮足勉世俗士友所共欽也君資素警敏初止銳意舉業年二十六七翻然自以昨非為悔有志於古人為己之學折節虛心親近師友里社先達及四方賢士大夫遇之必歛衽求益反覆叩請其在蘭谿與婺女諸賢尤稔陶染既久懲忿矯薄見於踐履臨事規、典刑中其進殆未已也於潛巖邑士風久不振君之邑庠為選士

之秀者補弟子員每旦陞堂講書校藝皆有尺
度口授指畫與士日親期年而向學者彬然
鄉舉占名者三而登第者二尹光庭者名在第五
邑人榮之相語曰贊府作成之倡也昌化爲
隣舊訴民釀酒而輸賦於官有議欲推酤者衆
訴於府尹以屬君或謂出於朝旨且欲以禪郡
計君曰此實民便安可漁奪卒免之老穉歡呼
爭繪像立祠君力止其議尹益重之檄入僉幕
贊助爲多君本以鍾離事簡而徃而訟牒紛委
不減內地君疚心剖折日力不足夜以繼之內

和外剛勇於爲義人不能奪有獄吏罪惡貫盈
而持吏短長不能去有盜牛馬者就逮已得其
情而輒翻異君曰必吏教之也一鞠而服白於
郡竄之遠近無不快之或言在君左右者皆其
黨恐有爲之報者君不爲動吏民聳服聲聞燁
然外臺多以滯訟相委隨即部決總領韓公要
卿以文章政事科薦於朝郡太守尤加敬異應
用之文又以屬君體素弱撫字已勞而種學績
文略不少懈縣事畢舉而君病矣君生長膏粱
而丰度高勝簡澹清苦無聲色之奉又不喜飲

酒藏書數千卷凝塵滿室蕭然如物外人即所
居超蓮堂池西累石創亭名曰磻陽時從雅士
徜徉其中坐無雜賓尤工小楷作詩清婉有思
致文節公於詩少許可間居惟雪牕張武子爲
山中客碧谿泉石勝絕君每至甥館遇遊賞必
參坐論詩善與人交同寮相與如至親疾既侵
至相率寢食於縣齋醫禮盡力前數日即命妻
子治後事已而屏人危坐既爲子陽書又書以
與親故人人致訣別之意作偈以寄禪衲之厚
善者大書數紙以戒其子區處細故纖悉明白

意象正大思深而見遠皆平時薰染講切見於
躬行者如此可以信君之所存而推見其所未
爲者其亡也邑人爲之聚哭喪歸鄉曲無不爲
之痛惜者哀哉銘曰

嗚呼子謙是好名邪躬行自立疾沒世而無稱
邪以其學力致其身起其家施於政事末而見
於死生之際足以不朽矣而何待於余之銘邪
余方疇於人無用於世吾何足爲九京之重輕
邪顧言猶在耳遺墨未乾余不得而默然悼痛
之深將何時而卒邪

惟林之先著籍于青五季避地遂居四明曾祖
曰簡隱德自高祖臨漫仕詔司戶曹財雄一鄉
積豐施厚植德名堂用昌厥後父嵩儒科晚仕
不顯節度推官止清遠毋也馮氏貧如柯親
君少挺特篤於自信講孝至勤求友至切質疑
諳益甚於飢渴網羅百家博覽彊記或問所在
開卷指示儉不苟費傾貲買書手不停披萬卷
有餘尋得目旨謂當供我使人誦之竦聽無惰
君之讀書根本經學久而愈明自詳趨約恭敬
誠慤檢柅此身劇暑甚病飯必冠中心若無倦

形体自攝聖孝之要正在兢業人靈於物知反
為累吾有知哉道斯可致執喪盡禮水漿不入
祭祀必齋箴規汲汲救人之失退死後言謀人
必忠赴急必先清心靈慾不作字益聞過則喜
改字難色嫠不恤緯惟時是憂賢否用捨如身
戚休禹功萬世予獨何人究觀聖必專在為民
敬奉遺體不敢不懼涕唾不輕瓜髮歲去克勤
小物動有尋則端効小指見之心畫誦言行錄
自深媿作詠康節詩如在伊洛躬行于家是亦
為政恂恂二子處恭事敬伯曰惟忠叔曰惟孝

字之以全義方之教叔既登科伯亦舍選人謂
君家慶由積善伯也忽焉人疑于天宗一繼進
才閱三年夫人曰任克相夫子叔官從政司越
之理孫主邑簿宣之旌德次傳省任不渝淳則
壻曰周焯僅試一尉次曰揚忻孫女惟二祖葬
豐林遠七十里願依九京今從其志君病矣
呼友執別神氣泰定怡然不屑收視云久已無
晝夜今忘生死安有怛化君則無憾士友盡傷
尚其不亾視此銘章

戴俊仲墓誌銘

乾道七年余客授東嘉蓋士夫之淵也職于學
者多佳士而戴君俊仲爲錄以文行爲鄉先生
著春秋徑解數方言能爲詞章詩清婉有思致
性質粹溫不得而親疎久處庠校與之議事詳
審而寡失故尤與之密君是時已嘗薦于鄉五
上禮部至淳熙八年始以特奏名試補賀州文
學尋授迪功郎婺州金華縣尉光堯慶壽恩
循修職卽余去官十五年而復假守真欲下榻
以禮孺子避堂以舍蓋公而君已得末疾監潭
州南嶽廟不可出矣徒有室通人遠之嘆十六

年既以光宗覃恩循從事即余以八月去郡
聞君以十有一月甲申終于家享年六十有八
娶陶山張氏相敬待如賓家無間言後君十五
年卒實嘉泰三年七月十二日也年八十男二
人誠之為郡直李洪為太孀生女六人長適張
渙次適諸葛說次適包暹次適迪功即庐州
李教授張泳次為尼名法壽住處州回向院幼
適王廷碩孫男三人擗扶復孫女五人君之喪
以紹熙元年三月辛酉殯于德政鄉湖嶼之原
夫人以開禧元年仲冬合葬焉君方領袖諸生

時誠之已能屢試上游淇雖幼亦秀爽可喜與
余諸子同研席雖嘆君之滯留庶二子之奮發
今誠之亦困於場屋淇在上庠尚可望也公之
初喪二子來求銘久而因仍未就夫人既祔又
以請余投閒多病又復許久杜工部既葬四十
年其孫過江陵謁銘於元微之一日而成余既
許君之銘二十年而不就有媿多矣君性孝友
幼失怙恃語一及則痛自憫悼至飲泣不已弟
一飛夫婦蚤沒力貧治葬撫愛其子女如已出
關門授徒席下多名士郡延之孀後進皆知所

矜式至今猶推淵源所自而卒不偶茲非命歟
經解三十卷文集号橫蕩類藁五十卷藏于家
後人尚猶因此以見君之大槩云俊仲諱厚又
字長文世為鄉之著姓曾太父天休太父臨父
端夫俱隱德不曜後其有興乎從兄之子溪闔
之俱擢儒科溪有盛名今為兵部侍郎太子右
庶子在君諸生中尤傑然者也銘曰
嗟此俊仲鄉之勝流季博文優衿佩從游坎壈
半生不忤不求命也奈何所怨尤我銘雖緩
尚銘諸凶後有知者其惟春秋

通判姚君墓誌銘

四明自國初以來端拱二年至乾道末登進士
科者幾二百人矣淳熙五年姚君穎始以第一
人及第實為吾鄉之光又其才業足以稱哀然
之選意必遠到而竟以不顯可哀也已君字洪
卿世家吳興後徙于明今為慶元府曾太父
阜迪功郎容州司戶輕財好施必慶堂於城
南延師以教宗族之子弟於是姚氏後又有曰
大任曰持曰孚者相踵擢第遂為聞族乎即君
之大父也尤号博洽三与計偕入太孛宦情素

薄再調和州錄事參軍遂致其事終左奉議郎
父孝全封朝奉大夫致仕賜紫金魚袋母宜人
揚氏君在髫髻窳然已有成人風五歲讀書過
目不忘十歲能屬文試鄉校占前列郡博士疑
之別命題使試於前應手成章時號神童師事
屯田鄭先生錡素年能自刻苦洛誦多至徹旦
幾忘寒暑飢渴經史百氏傳記注疏下至釋官
小說多所貫穿大文論語置几案間又取二程
上蔡龜山之書仁義禮樂道德性命之說決擇
是非類聚成帙以梗講習文體簡嚴自出机杼

有以為後時者曰是有命焉由漕臺試南宮參
知政事范文穆公成亦以宗伯知貢舉得公文
奇之及發策集英推明中庸大孝之旨幾數千
言末論敵國事宜尤備孝宗皇帝以其議論
正大剴切親擢首選而戒勿版行蓋不欲傳於
外也聞喜宴御書旅葵篇以賜授承事郎簽書
寧國軍節度判官廳公事特命負外置力祈寢
免上嘉歎而許之皇子魏惠憲五鎮吾邦歆
侈其盛命以騶騏鼓吹迓君而扁舟已歸郊居
矣祖妣史氏蓋太師文惠王之姪時文惠再相

侍立上前一聞臚傳再拜謝恩丞相王魯公方
知樞密院問與公何物文惠道所以且盛稱其
賢魯公鍾愛一女託文惠以締婚焉魯公後因
對及之謂孝宗曰策中用趙逢陸馬事甚佳乃
知簡眷之深也七年之官龍圖鄭公伯熊為守
相得歡甚繼之者治尚嚴君能濟之以寬乘間
語之曰催科之急郡有十之一則邑十之五史
曹以為利懼民之不堪也守感其言為之霽威
歲通大旱權酷之課不登逮治苛峻君緩其期
而蠲其无所從出者人心歡然甘澍隨應邦人

尤德之八年被召有旨引見以未經審察辭不
敢當次日遂對便殿君首以數披異思叙謝繼
論治體切於時者凡十有八條進讀未終王音
琅然云道理當如是又論義倉等利病及守令
久任文上皆嘉納除秘書省校書郎供職之日
胥史例以雌黃塗數字請書其上以應故事君
不欲循襲非手校真有譎舛不下筆也時言路
多選於館中頗有饋遺君不啓書加以緘封而
還之魯公當國引嫌因外周益公欲處以一郡
君力辭添差通判平江府又辭釐務不果館閣

皆一時名勝惜君之去相與餞飲道山用風流
丰刺史清絕校書郎分韻賦詩以送之仲冬奉
二親以行會郊祀以曾任館職恩封及親吳門
一都會地大事夥閔决年壅吳江民交訟久不
决部使者以屬君邑以其人素不可追君曰張
官置吏非以治貧弱正以制豪彊耳究竟黨與
卒究其獄一郡竦服君自念蚤以大魁丞輔藩
歛藏淵觀若年所能為者聞有所為亦不欲人
之指目為能也不要名不混俗年所阿附名齋
曰迂嗚呼可謂深藏若虛者矣十年禱旱勞悴

感疾以終年才三十有四官止宣教郎屬纊之
際語不及他惟以君恩未報親養不終為恨實
十有一月十三日也二子元特四歲元哲二歲
一女在二子之間君未第時欲卜築於鄞之陽
堂鄉延壽山至是遂以其年十二月壬申歸葬
妻以承相恩封孺人於時年二十有三泣告父
母誓不背姚氏却鉛華不御賦拍舟之詩按教
其子女大夫公夫婦至今壽且康歲時供婦禮
年敢慢嗚呼賢哉魯公家訓清肅孺人處昆弟
年間言後諸昆弟遵秦國夫人之命以遺奏恩

予元特未幾朝家用故事命元哲以官今俱為
迪功郎調饒州安仁福州連江縣主簿皆壻士
外家女適承奉郎新監臨安府糧料院王候又
魯公之孫新吉州通判檝之子也孫男女今各
二人君性孝謹少居大父母之喪已能悲慕盡
禮大夫素疾重先意承志未嘗少忤遇有愠色
至閉戶自搥屏息不敢喘母病疽衣不解帶藥
非親嘗不進祈以身代友愛弟妹惟力之盡平
日動以古人自期文調之作尤為精敏他人汲
汲不能發舒者下筆輒過之掩抑覆護不欲銜

耀而自不可掩真如其為人也哀為家集十卷
方在甥館時諄言宰相之職惟進賢退不肖
昔王文正在位愴士豈能悉去不以為憂也惟
多引諸賢使不為小人所勝耳曰密疏賢才三
十餘人雖不及盡用終多為知名士君之志豈
小哉體瘠神清人以為似文惠而亦魯公負有
冰玉之譽出門軸折此識不識所共嘆也開禧
三年君之二子踵門泣曰先君之葬時兄弟緝
幼未及銘墓念不可以無傳又以通判贛州袁
君變所作行狀為請余尤哀其意為之銘曰

人之生子惟恐不敏，而好學乃善之盡。既敏而學，又或恃才浮躁，銜露為身之災。猗歟！洪卿實具才美，蚤冠儒科。一日千里，抗志遠古。力行在躬，文惠是似。清如魯公，天胡不仁。蘭摧玉折，二親俱存。共姜守節，有子競爽。志於家傳，不在其身。天其舍旃。

王夫人墓誌

大名王氏，至晉公魏公益顯，占籍京師。号三槐家，魏公之兄諱懿，仕秘書丞，贈兵部侍郎。曾孫為夫人之曾祖，震吏部尚書，龍圖閣直學士，贈

少師妣潘氏，越國夫人。祖仰，尚書金部員外郎，贈大中大夫。妣閻氏，碩人。唐氏，淑人。父從，知信州，贈正議大夫。母金氏，陳氏，俱贈碩人。大中建炎避地，未明後，遂葬于鄞。正議定居桃源鄉，夫人生於紹興八年十一月，年十九歸于向氏。文簡公八世孫。欽聖憲肅皇后五世侄，名公。援字伯劭，太府卿兼權兵部侍郎，士偉之子也。終修職郎，徽州司法參軍。夫人金出也。幼失所恃，唐淑人鞠育，以至成長。淑人為質肅公之孫，有家法。夫人習熟，聞範動以為楷。至疾革，猶以祖

母為言逮事侍郎之母游碩人者一紀曲盡誠敬寢疾歷歲奉養年息容侍郎季女適仇氏實學愈之孫由尉贛之會昌夫婦俱喪一子仲孤立伯劭與夫人既經紀其家夫人又以幼妹婦之以振仇氏之門侍郎之薨有女才七歲夫人拊愛教以婦德擇曾文清公之孫樵以歸之伯劭友愛素至介弟登仕郎公擢蚤世無嗣其婦高氏嫠居二女俱幼夫人承夫之志命仲孫夫年為之繼以其長女婦高氏兄子銳賴其經理之助次婦蔣興邦亦名家子也伯劭晚有女甚

愛之夫人篤於手足議以歸仲弟涵之次子槩涵授樂清令而不祿資送加厚過於已出伯劭先娶栝蒼葉氏僅閱歲而亡寄葬山寺夫人為繼室略年諱忌上冢修祀如奉其先伯劭將葬謂二子曰葉氏子而又別葬若不葬以同穴則後日必覆致廢祀遂合祔焉此尤人所難能也伯劭嗜書手不釋卷或忘寢食夫人時其寒煖不以俗務累其心及其亡也治葬送接諸孤益謹家政米鹽靡密井井有條平居凝重語笑不輕發闔門幾百口內外肅然歲時姻族會聚始

假借顏色雖諸院子弟亦知敬憚苟有過惟恐
夫人聞之性明淑曉文義旁通醫卜之說又善
攝券少病疾年七十忽得疾遂不可為實開禧
三年二月戊午也二子之邵之翰二女長適甥
王蒼舒次即槩也孫男四人大成大下大方大
應女二人長許嫁蒼舒之子將仕郎簡次尚幼
將以五月甲申祔于雙鴈鄉蓮峯之原司法之
墓始余妻祖尚書公侯上世由大名徙宛丘自
晉公分派故南渡以來與三槐通譜二王氏向
氏皆居明越間夫人之弟柯山使君淹又與余

締婚焉於是使君哭女兄甚哀以書來曰自涵
弟云亡與吾姊相倚為命幼而至老氣同聲應
專以謹守孝業不辱門戶相勉罔敢怠忽今舍
我而逝人皆謂其令終吾今獨存何以善吾後
寃乎痛哉吾姊夙佩慈訓善學力行遇事處決
有大丈夫所不及其實敬畏之與君姻連必亦
稔聞為我志之以塞吾悲以慰諸甥之孝思可
乎余姑之夫太府鄉王公正已與信州為莫逆
之友每稱伯劭風度之佳記問之博一日見伯
劭於鄞簿廨舍而不值夫人相見於碧梧軒縱

談家務世故及伯劭所職纒。移居鄉退而語
某曰吾與信州通家如兄弟而又同姓知其女
之慧亦不知其通曉如許雖姻於辭令者所不
逮也。蒼舒及簡又尚書之孫曾余以故屢獲升
堂辱延遇益信鄉公之言敢併叙之云。
淳熙五年余贅倅天台已而會稽孫君應時季
和尉黃巖見其學行吏事詞采翰墨動輒過人
與之定交問其家世始知其父雪齋先生之貧
甚悉方其四方士友期季和以遠到開禧二年

二月二十三日將赴邵武貳車忽一疾不起遂
以朝奉郎致仕識其不識莫不痛之三年十月
二十五日其母太孺人張氏繼卒于家季和之
兄應符遣其子祖祐來見余曰祖父雪齋之亡
季父嘗持故國子錄沈君煥所狀行實乞銘於
晦菴朱公。許以銘曰古所謂志士仁人今復
見之恨不及展龐公之拜銘文見屬其何敢辭
既而公亡迄不果銘今不幸祖妣繼季父以逝
顧當今孰能繼晦菴者敢泣以請余以衰病掛
衣冠而迫於上旨收置北扉震懼固辭不獲命

念季和之交誼又不可以固陋為解讀其所示
事實見雪齋七十歲時做程公大中自誌其墓
有云雪齋野史孫介字不朋越之餘姚人也族
緒寒微難援諸系但聞五代祖自睦州徙居此
力田自業余曾祖諱亮生二子予祖為長諱政
孝慈馴善鄉黨稱之生四子長從釋氏為昇師
次為十伯父次為十三伯父次先考十一府君
諱子全昇師持苦行而有高識兼通儒書喜聽
賢士大夫語歸葬父母守冢三年則聚諸弟之
子躬授語孟詩禮期變其家為儒已而予生於

政和甲午八月辛未實十三伯父之子命以為
先考嗣四歲能離家入郡庠隨兄壽朋讀書日
數百言七歲學于鄉先生胡定翁家聞本生伯
母及先考之訃號噓奔喪哭臨以時孝悌之端
發於天性衆稍驚異其後兄常携寓鄉館側聽
講說文義粗通然退侶燕朋弛怠不進十四五
潛喜哦詩兄使誦杜集頗費日寡益十八九始
學舉子賦遽罹兄喪哀痛之情如失乳哺如割
肺腸俚言相殘不自立因從畏友房德輔肄
業紫溪漸漬稍勝既冠迫於凍飢踵兄故步授

書自給益發憤自課經史注疏且閱且抄不敢
荒逸竊志古人務為實學時文非其所好而又
與師屢試不利決意退藏尊拜先聖覬扶吾道
晨誦孝經以致時思人多非笑不之恤也壯室
張氏既得三子捨館歸訓鬻田就竭人不堪其
憂五十九歲始幸小子應時試入太學閱三載
遂叨中進士科其後長子亦側鄉選予於是家
居寡出諸兒分寓歸辦菽水今既七十已隨應
時滿尉黃羨還鄉閉門養病不交人事扶策自
適九子自少至老備嘗艱阻不可具言初侍所

後母陳氏遭義兄陵暴慨然景念孤臣孽子竊
以舜曾閔為師承意調諧各終其世紹興乙丑
仲兄有重罪予未諳律令以身援之幾併坐縲
紲偶值星變原赦俱免其他困阨危難苦心衡
慮改過遷善迄能自持厥躬不見薄于鄉里吾
家父行享年多止五十今幸同產次兄七十有
七與余白髮相保夫妻兒婦歡聚幸缺捫心感
舊粗足樂矣然余所以行已立心不忘恭敬近
而冠履微而低筆未嘗輒輕易服用常謂不能
動天地不足以言誠不能止室家不可以為道

故其在歆畝未始一日忽忘君民對妻子唯恐
食息偕違禮教一言一事必求合於人情可無
怨悔者而後出之其受人子弟之托教之不啻
己子隨才指授專事講釋至老不倦與人交不
敢失信廢禮受侮不敢爭忿蓄怨平居確意安
貧守分不萌非義之求聞人有善心恨弗及見
人之惡口不忍言自信不移量力而動平生謹
畏求寡乎愧怍而已噫使予少年微有依怙不
歷屯剝壯歲窒於理性不明否泰未必能操心
慮患固窮順命亦何以至於今哉凡吾子孫勿

墜家學推本源流念之敬之此吾之實錄也余
三復而嘆曰嗚呼其可謂躬行篤學樂道知命
之君子矣凡君平生操履大槩已見於此而國
錄沈君所狀尤為詳備余復何所措其辭至於
蓬藿之居陋甚玉川而門堦戶庭咸有銘勒簞
食菜羹終食不飽而絜齋整齊如對大賓子良
婦教孫枝競秀家法修明門雍戶肅下逮僮僕
舉訴也其遺風餘範至今藹然亦足以想見
其典刑矣初君以淳熙十一年以太上皇后慶
壽恩封承務郎致仕十三年上皇再慶進承

奉卽十五年正月二十八日甲子卒于泰州海陵縣承官舍享年七十有五後應時陞朝累贈承議卽張氏同邑人也曾大父嘉大父儼父日休封太孺人享年八十有六三子長曰應求後君四十卒次曰應符次卽應時也一女未嫁而夫孫男三人祖祐祖詒祖開孫女五人長適文正范公五世孫克家次適宣教卽知婺州義烏縣丞胡衍次適里士胡伯韶次許嫁四明沈爨曾一尚幼曾孫男二曰珍曰珪君初葬于燭溪湖潘山之塢穴頗不安季和之亡得吉卜于新

輿竹山始遂遷葬今將以嘉定改元某月某日奉太孺人之柩祔焉太孺人質性莊重雪齋動以古人自律孺人事之如賓終始若一日季和宰平江之常熟縣號難治吏民歡服既滿橫為郡將所摺摭困阨兩朞至開人使訴卒死一詞猶被鐫降孺人曰但不得罪於公論足矣窮達非所計也閑廢累年方權臣用事不肯附麗求進菽水不繼族黨姻舊皆勉以祿仕孺人獨未嘗一語及之曰使吾見失節以為養不如粗糲之為甘蓋不如此不足以配君子不足以生貧

子孫不足以成禮法之家也季和不幸出門軸
折不得究所抱負以彰積慶諸孫皆孝反以承
先訓後其有興乎銘曰
德在陰報必明活千人後必興天人間響應聲
有篤行出志誠子必賢家必名偉孫君真不期
動以禮善服膺不愧忤無虧成廟之璉壺之冰
行於家森典刑噤不施閔幽局過者式視斯銘
贈金紫光祿大夫姜公墓誌銘
公諱浩建炎紹興間來寓四明至十年歲在庚
申公之弟濤以流寓名薦書十二年遂登進士

弟人爭曰是東都大家能以卒子業致身於兵
火流離之餘邪惟姜氏當承平時富盛甲京師
婚姻多后妃侯王之家聲勢翕赫而最重儒孝
藏書築館延太季名士以訓子弟禮意隆洽賓
至六留設盛饌參政簡齊陳公及一時勝游皆
求閱未見書或登科以去又請卒其友若昆弟
題名家塾多有顯人如參政謝公克家待御江
公路待制高公至臨少卿汪公思溫及其季吏
部思齋皆在焉積而至此以起其家公盡室南
來弟犹未冠公方急祿每以未能卒業為恨獨

任家事勉其弟力孝撫育訓導儒風益振二十
九年其長子模中浙漕卒至于三四汜不弟又
二十年曰桐曰柄曰燧曰煥曰光等相繼累上
禮部入大孝而柄與光同以紹熙四年賜弟遂
又繼之皆公之子若孫也噫止盛矣公字浩然
曾祖德安杭州助教贈忠翊郎祖侁右侍禁閣
門祇候叅贈武經郎父寬成忠郎閣門祇候累
贈武功大夫吉州刺史娶朱氏封宜人累贈和
政郡夫人少師孝莊之女視欽成皇后為祖姑
又仁懷皇后之侄也宣和四年少師以郊祀恩

奏補承信郎調監平江府都稅務福州鹽稅務
改明州市舶務行在單料場嚴州在城都稅務
臨安府沈較務點檢戶部瞻軍酒庫所糴場行
在左藏庫再任京畿第二將荆湖北路安撫司
准備將領改兩浙東路兵馬都監駐明州者四
一 改婺州尋除兵馬鈐轄紹興府駐劄升馬步
軍副總管駐明州秩滿改福州踰年勾祠主管
台州崇道觀又任建寧府武夷山冲佑觀未滿
納祿淳熙十二年十二月癸亥卒于家享年七
十有七積官至武節大夫始夫人先公十年卒

葬于慶元府鄞縣豐樂鄉東山之原明年二月
庚申諸孤奉公之喪合焉男六人模故忠翊郎
監建康府戶部贍軍酒庫所糴場贈通直郎搢
以召對職賓贊終武經大夫閣門宣贊舍人兩
浙東路兵馬鈐轄樸以疾不仕桐武翼大夫新
權發遣柳州軍州事柄故奉議郎知濠州鐘離
縣事林女六人長適故朝奉大夫知泰州司馬
儼次適武節郎新東南第四副將紹興府駐劄
董璆次適奉議郎知嘉興府海鹽縣事史彌謹
次適國子進士樓溱再適儒林郎建昌軍新城

縣主簿王深二蚤亡孫男一十人炳燁武經郎
新特差充殿前司書寫機宜文字焜故承節郎
閣門看班祗候監饒州在城商稅煥故從義郎
監兩浙轉運司婺州蘭谿酒庫光奉議郎新通
判婺州軍州事遂文林郎監泰州角斜鹽場焯
燭國子進士劄國子坐煇燭燭國子進士焯燭
焯燭燭燭燭燭燭燭燭燭燭燭燭燭燭燭燭燭
州在城都酒務宋克明太孛生汪祥進士陸杓
迪功郎辰州司戶參軍司馬遂奉議郎知江州
彭澤縣事趙希慕迪功郎新臨安府仁和縣主

簿黃夢舟史挺之承信郎新監杭州戶部贍軍
酒庫王堅迪功郎新嚴州淳安縣主簿趙希恂
其壻也餘在室曾孫二十一人塏坊填塋塋堅
垆塗坡塋增堂塋塋基墉壁至舉堅曾孫女十
人適追士何冲朱中庸顧大声因子進七趙時
古餘在室公少警敏及見前輩篤志問孝七傳
多成誦尤熟老莊之書人但知為佳子弟耳家
在汴都外城一旦碎於兵燬至京口遇潰兵劫
鹵忽為窶人吉州旋即世聚食數十口皆仰給
於公甫冠入仕屬志官業動有可稱虜將陷平

江郡人驚奔而闔者阻之公叱使開闔去者不
勝計公歿後幾不免人皆德之及掌權酷請剝
糴場以供酒事貸本錢於版曹要告身為質公
以文書銜哀而進即命公為之定糴價三等比
時估為高初亦罔測未幾米商輻湊價日以平
歲終會其息至百萬僭衆始歎服至今遵用焉
孝宗登極發以犒軍稍緩口語籍公禽治教
輩無敢譁者所至德戎有律閱武有程慢令者
豪髮不貸行之以公人自畏龍言所事帥守魏惠
憲王崇憲靖王丞相梁儀公克家參政周公葵

給事吳公芾敷文閣直學士俞公俟龍圖閣學士趙公子滿皆深相器重樞密胡公松年守姑蘇擇官寮十人日供故事右列中惟公得與選所陳又能切中時病仕於明最久詹事周公操朝請莫公伯鎔俱嘗同寮相與素厚莫公諸子皆為清望官公至必使環立以待中書舍人濟耒為長史以父執致敬周公為御史露章推薦大師史文惠王丞相王魯公周益公皆稱於朝廷諸子出仕猶賴前數公提挈之力觀其所與則其所存可知矣前後以見辭五對清光奏陳

多合上意有老成更練之褒遂賜橫帶人仕幾一甲子更考十之七八終始無玷臨機促決不問劇易遇事夙生以智為樂談論塵音吐洪暢聽者忘倦此皆出於天資惟是生長富貴既更世故遽能率家人刻苦廉介有寒素之所不及田里細務詳練通曉尤為難能少有至性母恭人郭氏疾革刲股以進友愛宗黨初以銖積寸索漸為溫飽計會從弟迫於官通卒以濟之季父客死江西又无嗣公取其遺骨葬于先茆之側歲時祭享族人之廢祀必徧反之弟妹昏

嫁身任其責一介不妄取子性實好施推其餘
以用人之急亦所不靳也宮教濤出繼伯父既
定居吾鄉買地城北分東隅與之築室比隣人
羨其雍熙之軌馬舊季不忘時有清新之句自
為上梁文云思舊隱於夷門不堪回首築新居
於鄞水粗可容身此特其一班耳專意教子不
以家務嬰其心夜或焚香危坐使之誦習率二
鼓而罷摸柄之預薦棧之賜對公皆及見之其
在婺時東萊呂太史未第公知其吳遣二子從
游模刃之同中漕薦既即世子孫益守遺訓雖

事力不及盛時一二而文風彬彬遂為儒家始
以次子封武顯大夫累至和州防禦使柄陞朝
改贈宣奉大夫今至金紫光祿大夫足以信公
之志於泉下後裔方興殆未可量也奉佛素謹
楞嚴法華諸經夫婦繙閱以千萬計八閩積俸
置大藏經歸寘家舍結字端重雖薄遽中家書
無一筆行草手鈔內典數十軸首尾如一從妹
婦丞相壽春魏文節公平昔相好為堂西偏藕
花盈池丞相名以超蓬書扁以遺之既屬疾掛
衣冠杜門自熙家庭孝謹調娛藥餌久而不倦

多於手默坐間乘安輿致敬家廟佛像一絲不掛尤以壽終可以無憾矣某汪出也外祖少卿兄弟仕京師同為王府贊讀既皆曾授館通家如至親先妣吳國時猶未笄能備言公家風範相依下汴初寓浙右數因寇攘其卒未郵蓋以外祖為婦也外祖尤顧舊好經理不遺餘力既命伯舅娶公之女弟而宮教洎文節公每伯仲二舅同在家塾訓飭如一四人聯捷薦上自角姻婭如朱陳然某以外門之故得從公游又每諸郎共季仲舅尚書狀公之行蓋嘗助之屬藁

今二十餘年母氏舅氏俱即世而搢撲柄堪煥剗焯亦皆止矣柳陽泣謂某曰先銘未立日夜痛心兄弟凋零汪氏中表亦無幾舍君幸有知先人之詳者敢以請某持事感慨又嘗銘其二兄及鍾離之墓不得辭銘曰大嶽之後著姓惟姜承平百年益大而昌延招名儒談經左塾典刑具存燕及嗣續矯矯姜公克荷克承艱難百罹既蹈而具才有餘力仕一甲子黃金橫帶晚克知止積善餘慶遺訓有傳踵登賢科儒風蔚然東山之原松柏斯允銘以

表之其吳未艾

司法晁君墓誌銘

晁氏系出於西周王子朝漢有錯為御史大夫
元魏有清為樂陵太守唐有左補闕大夫杲或
謂其家有劉元德起兵時錢券則其傳世遠矣
本朝文元公以清德雅望冠一時文莊公繼掌
內外制賜第京師昭德坊後益蕃衍散處汴鄭
澶濟間南渡以來江浙蜀道所在寓居實皆出
於昭德子他晁也君諱某字某生於濟之任城
曾祖仲參贈金紫光祿大夫祖端義奉議郎簽

書高郵軍判官廳公事考選之超然不仕妣閭
丘氏君資稟不凡少承家法篤於孝友嘗判股
以起母及仲兄之危疾年踰強仕從叔侍郎濟
陽侯謙之以郊恩補君將仕郎授迪功郎監潭
州南嶽廟循從政郎調建昌軍新城縣主簿繼
為沅州司法參軍君宦情素薄而臨事殊不苟
率有可稱其在新城豪強犁人之墓寃訴莫直
君為得遺該於田中遂伸存亡之枉廣昌令以
匿寇事攘富人之貲骨肉骸散凍餒於外獄久
不決君受貴欲行令輒賂君拒之以實聞而還

所籍其家優裕如初居沅才繁月有胃官稱者
守意希賞抵以深文僚吏和之君獨不可守數
諭意不為動善、惡、行其志類此俄感疾已
而起居如平時忽跌坐而逝安靜不怛不惟積
善之報殆有自得而莫知也君宜達而沈下位
宜壽而止六十一實乾道元年正月三日也娶
姜氏蚤卒子五人子騫子舟子思子游子冉文
季才幹俱有家法三女壻通直郎趙公沈忠恕
杜雋皆世家也孫男八人百源百則百海百制
百利百禮百揚百順女六人曾孫二世散世表

七月朔歸至寓居按州金溪縣十月二十六日
葬君于臨川縣崇德鄉峩峩山之西敷文閣直
季士公武君之弟行嘗狀君之行事至開禧三
年凡四十二年矣君之子惟子游在孫亦止二
人矣百海游勤求銘於某老矣季落何足以發
幽光獨念中原衣冠故家日就凋零文獻相傳
如昭德之晁則又鮮矣少時及識敷季夙采服
其該洽其誦君之矣如許以託名不朽為幸銘
曰
王謝故家風氣一種晁之在漢實配于董至宗

益大名勝繼踵法藏耄智讀者皆誦濟北高山
詞采泉湧恂法曹典刑莊重以君之才卒於
流冗我思前良託名為寵

攻媿先生文集卷第一百十四

攻媿先生文集卷第一百十五

四明樓

鑰大防

墓誌銘

直秘閣徐公墓誌銘

慶元二年有旨朝散大夫徐夢莘除直秘閣蓋
異恩也始公生于靖康之初元歲在丙午是冬
金人再犯闕海內雲擾建炎三年虜躡江右叛
將大盜蠡起公之生才四年母氏襁負走陂頭
劉氏家僅免于難公既省事自念生長共間欲
得盡見事之始末宦游四方收羅野史及他文

書多至二百餘家為編年之體會粹成書傳聞
異辭者又從而訂正之號三朝北盟集編自政
和七年海上之盟迄逆亮之斃上下四十五載
間具列事實制勅詔誥國書奏疏記序碑誌之
文有正史所不及載者搜掇之遺成二百五十
卷又有綱目一冊併藏于家至是史館方修
高宗皇帝實錄修撰楊公輔率同寮十人奏乞
取公所編之書仍下臨江軍給筆札抄錄以進
十一月史官又奏其書有補于史筆為多仍薦
公之矣大略云廉靜樂道好學不衰故有是命

又奏所編書目內有百餘家館所未備復命錄
其全書諸公欲相挽一出與同筆削有諭公者
荅曰此書本不為進身計力辭之後又得未見
之書再編集補三帙所居闢一堂取詞命褒語
扁曰儒榮以侈上賜樞密劉公德秀為之記待
制揚公万里為之銘少傅周公必大端明洪公
邁而下賦詩者數百篇遠近流傳而公之名愈
顯矣公字商老清江縣人曾祖用和祖士穩俱
不仕父世亨索贈通議大夫母楊氏贈碩人公
俊敏篤學至忘飢渴寒暑讀書過眼輒不忘通

貫經史百家尤熟晉宋南北五代時事自熙豐
元祐以來名公奏議及出處大致無不該綜作
文皆有根據用事精確紹興二十四年登進士
科授左迪功郎洪州新建縣尉以外艱不赴調
鬱林州司戶參軍到官未幾又以母憂而歸後
爲江陵府司戶任滿闕陞左從政郎乾道四年
外移南安軍教授以舉主改宣教郎知潭州湘
陰縣次授廣南西路轉運司主管文字賜緋衣
銀魚諸司辟知賓州到郡遭罷主管建寧府武
夷山沖佑現華州雲臺現紹熙元年授荆湖北

路安揆司參議官慶元初引親嫌徑歸再奉冲
佑祠引年致仕六年賜紫衣金魚仕宦幾五十
年間居之日爲多南安官舍素在城外請遷入
以附校官建雲漢閣以奉御書立瀛谿二程先
生祠於左劉元城張橫浦先生祠於右自爲之
記參政龔公茂良時帥江西讀而善之以講筵
官薦湘陰竝湖少田多盜帥括盜耕湖田者悉
輸租號增耕稅他邑或移別賦應命公恐重困
吾民謂邑無新田稅乞從出師盛怒移湘潭丞
仍窘據邑事乞可疵瑕者卒免於行更加禮焉

增葺學宮嚴設祠像祭器書籍以次而奉選士
主之湘陰於是始與於孝矣朝廷議更二廣鹽
法遺浙西安按司幹官胡廷直銜命與二漕臣
集議境上西漕王公正已以公審知利害邀至
蒼梧會所公謂二廣事体不同使者徒見東路
郡多瀕江可通客販固已非是若西路多山郡
近江者少道阻運艱客販不通價必騰踴郡計
不給重為民害郡有兵吏可役民不告勞若止
循官般舊法初無抑配等敝公私俱便可以經
久衆不能奪胡亦是之議定而去將入奏为生

議者所誅長罪希進及變其說擢為東路提舉
旋升西漕侍郎詹公儀之出鎮桂林共行客販
之策慮公或以賓州奏事必撼成說武憲熊飛
素不快於公二人從而 基之熊上悔舉之章
公遂罷不三年二廣之害果如公言民食貴鹽
富商至破產喪生胡憂懼至死詹亦得罪復行
舊制至今便之周益公當軸謂公前謾未直公
答以事久自明不待辨也歸而悼亡連喪子女
宦情愈泊然矣楊誠齋挽使造朝薦進甚力廟
堂將處內郡止求議幕荆帥樞使王公蘭移鎮

長沙以公可任帥事申省委公徑时而侍郎袁公樞始來知公止請上幕俸給尽以三月帥俸歸之又力辭尤嘆其廉既而從母之子侍郎彭公龜年為帥公去替止半年法不用避公乞祠以去彭公餞以詩云法許公不許法不如公嚴年雖已高手不釋卷有讀書記忘集醫錄集僊後錄各三冊會錄四冊皆以儒榮冠其自家有萬書閣籤帙甚整能視細字如年少時事親及孝祭器封鐫惟謹有家記一編載時祀禮式又褐百不憂堂以志義方之効閣前亂石森立石

間多紅薇花若張錦然號紫薇洞天勝日深衣坐閣下二鶴翔舞于前殆神僊中人也弟妹四人弟得之亦休官而歸時節聚會子孫甥壻羅拜為壽竟觴卜夜無倦色從母昆弟七人時置酒款集常濟川捐黃仲禮琮彭子壽而下俱效之開禧元年親黨為八十之慶宴笑數日乃罷中嬰小疾精明如故猶能課諸孫誦習三年八月浴出瞑目危坐而化二十有一日也娶豐城鄔氏先公二十一年卒封贈至宜人五男子簡從事郎新邵州新化縣令範迪功郎新袁州司

理參軍籍業進士次子符幼子節皆蚤歿二女
長適免解進士曾三異次適進士鄒埒亦前卒
孫男十人長峯亡矣次堯次金酉薦于鄉崧歲
嘗崇嶷義歲一女適鄉貢進士向公美曾孫二
人鄒郁二女尚幼諸孤以嘉定元年十一月庚
申奉公之柩葬于縣之修德鄉古牛岡之原始
公屏居四明得子壽書俾為儒榮堂賦詩時雖
抱病為作古風寄之已而子壽與公俱以書來
謝比聞子壽之訃固已不堪云亡之痛而公亦
下世矣公既葬之二年簡以赴調來見謂前詩

恨未見北盟全書尺錄以見遺又出其季父致
政所作行狀求銘致政嘗著左氏國紀中書舍
人陳公傅良為之序蓋深於經者書事尤覈敬
掇其狀而為之銘曰

靖康虜禍古所未有凡曰臣子痛心疾首公生
初元以及已酉犬羊長驅荐食江右幼而得全
實賴襁負少長讀書志已不苟宦游四方認訪
尋究網羅舊聞編不傳手二百餘家筆下輻湊
繫日繫年別記誰某有制有書有疏有奏衆說
雜然考證是否名聞于朝六丁下取蓬萊漢閣

寵教加厚儒榮名堂足以不朽才不盡用仕多
不偶身退名尊二疏俱壽奄然僊去何憾何咎
有子克孝慶流在後銘以發之尚照林藪

朝請大夫吳公并碩人姚氏墓誌銘

僊居吳氏自危圖閣直學士給事永康肅公以
儒術發身入從出藩為時名臣長子吳化使君
首躡世科兄弟簪笏蟬聯多至郡守族黨中登
貢籍擢科級者相望遂為巨族某淳熙五年由
勅令所剛定官贅倅舟立始拜康肅於湖山堂
時居邑之石井既掛衣冠夫婦偕踰七十子孫

說：坐享耆福谿山勝絕來者如游崑閬其一
見辱知獎良厚因得其諸子游今識其家四世
矣吳化明銳奇厖謂必可接武夷路不幸嬰末
疾止於中壽次子鄞丞壻四明史氏某以第三
子娶其女遂為姻家今知吉州公比為大理寺
主簿同朝見過泣而言曰先君抱負不凡先妣
婦德素著而葬之日兄弟尚未立未有銘文以
傳後介弟既亡繫誰之責援親契以請余感念
疇昔為之永慨乃掇括蒼貳車郭君晞宗所為
行狀及吳化自為姚碩人行述大槩併為之銘

君諱津字仲登世為台之仙居人曾祖允昭故
贈武略大夫祖師錫故任右承議郎索贈光祿
大夫考希康肅公也官通奉大夫累贈少師妣
郭氏贈魯國夫人君幼嗜李強記博通群書尤
熟文選或覆誦終帙年十有五以詞賦魁鄉校
嘗從祕書郎王公衛頌臺主簿胡公叔殿中季
公崇游三人皆名儒每器重之康肅為御史以
郊恩任將仕郎為銓闈第二人授右迪功郎監
潭州南嶽廟侍旁益津於李連薦漕臺登乾道
五年進士乙科充兩浙東路安撫司幹辦公事

改宣教郎知慶州麗水縣監行在都進奏院為
親求補外添差通判紹興府淳熙九年賜五品
服十年繼丁內外艱執喪哀甚倚庐增墓灵芝
產于楮人嗟其孝感紀以詩文服除叔癸遣江
陰軍未上改主管建寧府武夷山沖佑觀尋知
廣德軍以足疾丐歸改興化軍慶元二年屬疾
八月四日终于家享年六十有四累官至朝請
大夫娶姚氏封安人先公六年卒葬之地曰西
隩去先墓百步累贈碩人男四人機朝請郎知
吉州軍州事樸故通直郎知慶元府鄞縣丞栻

迪功郎福州福清縣主簿標迪功郎衢州開化縣尉兼主簿女一人適進士姚棟孫男四人燁煜熸灼孫女九人長適承奉郎監西京中嶽廟接治次適從事郎新贛州司戶參軍葉言次適將仕郎盧樵次適承信郎新差都大提點坑冶司監轄銅錢金銀場顧士龍餘在室曾孫男一人諸孤以十二月辛酉葬公于郭但山東隩之原遷碩人之柩祔焉公志趣高迈不溺於膏粱之習種孝績文与寒畯爭馳久在親側宦李增益小試於外動有可稱初入帥幕承相蔣公太

師史公為帥屬以文詞以遠器期之丞相葛公樞使黃公為僚相好号一時幕府之盛麗水試邑恪守家範夙具冠帶視事決訟如流庭宇田牘嚴於治盜民以奠居邑社稷壇壝圯壞李宮尤不葺公謂非所以安士訓民也乃築三壇于李之東偏又徹李而新之歲祀月書如儀士民俱功焉及官奏郎同知樞密院事謝公時在諫坡奉公自代有曰治邑有聲立朝言玷方嚮於用懷親求歸朝士歎其高致賦詩宴餞歸娛鄰下久之乃到官參政李忠文公多以郡事委之

裁決歲饑流殍盈路公請發去租倡率勸分人
遂樂從待制朱文公為提舉官任以荒政躬走
阡陌如懷隱憂有所措書俱從其言以文季淵
源政事詳練薦之廣德久旱種不入土粟價翔
踴公齋禱祠山隨車沛然時米舟輻湊官兵得
空券累月悉以給之積訟不決而兩獄隘陋卑
濕公曰不葺不決疫不興矣先呼囚徒稽覓察
辭隨處以法輕繫以片言折之諭獄官邑令日
決數事旬餘囹圄為清減商筭損酒價訪水利
民聽已孚而去矣渡道擁車至有泣者曰官何

來之莫而去之速乎康肅軫惠鄰里穀貴則損
價以糶歲寒則賦粟以濟散藥給棺一方賴之
公謹不敢廢湖山亭館以時整葺追慕不足築
祠于堂之隩又以隱居詩篇刻石時節擷芳薦
新事之如生者舊有為父母所厚者尊禮之如
故時正旦合鄉之士夫于邑庠謁先聖先師及
先賢之祠序齒講拜升堂舉酒畧如鄉飲之儀
為文平淡援筆成詩蔚有父風合詩文十五卷
藏于家莊重恬靜中無機心與人交久而弥親
不知者或以為簡公不改其度寬裕容物無疾

言遷色服用儉約而厚拊姻舊雖甚費不靳康
肅嘗以歲侵為憂公適歸自稽山白日頃年得
祿儲穀可數千斛舉以均濟親顏大喜殆有前
輩麥舟之餘竟使其得究於用可以及物可以
亢宗而見於世者止此可哀也已碩人家黃巖
承信即義之女甫笄喪母已能任家政既歸于
吳舅始丞郡而家尚窶寓族長之家光祿泊夫
人俱存家法素嚴魯國病足已久矣夫子方從
師友于外焉姊如之助以家婦獨任相內之責
人以為難光祿與夫人既喪用益窘小姑出適

發奩具以佐之石井卜築竭所儲以庚費康肅
素好賓客不問家有无先意治具以埃所需康
肅以賢婦稱之見于遺札其亾也夫子哭之甚
哀吉州以作邑有声連歲進擢以至大郡可以
知吳化義方之訓鄞丞既亡而吉州求嫡母之
銘甚切又可以見碩人鳴鳩之德是皆可銘也
已銘曰
括之陽兮僊所居伊石井兮公之廬隄萬壑兮
清流瀦夾以鏡兮澄冰壺偉康肅兮蚤垂車謝
軒冕兮天為徒君家嫡兮如伯魚傳衣鉢兮鄞

侯書宦李富兮歷仕涂見諸用兮直緒餘歸不
改兮先規模終相從兮山之隅夫人德兮鳴鳩
如義方壺彝兮藹里閭我維銘兮于刻諸慰孝
思兮賁函墟

直祕閣孟君墓誌銘

君諱嵩字嶠之孟姓也昭慈聖獻皇后兄子
信安郡王之次子也后以聖德母儀四朝信
安勳在社稷密贊中興賢德問學為戚閑之冠
高宗寵遇如唐肅宗之待李鄴侯也與比者公
之高祖在安武軍觀察畝後贈太師韓王祖彥

衍中散大夫行開封府左司錄贈太師豫章郡
王信安諱忠厚少師保寧軍節度使充萬壽觀
使提舉祕書省贈太師母秦魯國夫人王氏世
本汴人五世祖魏王徙居衛州共城後復居汴
信安南渡家始蘇遂為長洲縣人君十歲以祖
蔭補承事郎性至孝不忍捨親出仕奉祠膝下
者數年紹興二十七年任軍器監主簿未幾信
安薨懇免臨奠特恩除直祕閣賜緋魚服除授
浙西安撫司主管機宜文字幕府笑談一坐不
傾事無巨細勤於閔決使長多資決而後行未

滿除監尚書六部門時隆興改元之季冬也乾道初供職事簡寡而木地有餘尚書郎或有假故長二更委攝丞幾遍二十四曹遇事益練習而聲譽日休輪對陳利害甚悉上嘉納之六月始以制書攝倉部公自以驟進抗章請外二年通判楚州又力請祠再任主管
現滿秩通判臨安府七年瓜期將及會光宗以皇太子尹京易倅為府推八年始改浙西安按司參議官淳熙三年八月到任蓋家食者餘十載澹然不復以仕進為意人皆期以遠到而

明年八月丙戌以微疾卒享年四十有四累官至朝奉郎五年四月癸酉葬于常州句錫縣富安鄉許現山之原去先塋數百步娶仲氏左朝請大夫淮南安按司參議官并之女後公七年歲在甲辰卒有賢行克相夫子男五人夔右宣議郎監秀州華亭縣市舶務次曰曾俱先卒次曰猷朝請大夫主管建寧府武夷山沖佑觀次曰導朝奉大夫叔知嚴州幼曰翔故迪功郎信州司戶參軍女一人適朝奉郎知貢州李大理孫五人繼勳修職郎監鎮江府大軍倉門繼

華修職郎監行在點檢贍軍激賞酒庫所都錢
庫繼顯迪功郎新鎮江府丹陽縣尉繼勤將仕
郎繼勇兩浙轉運司進士惟信安謙恭威重有
大功而不居迺遠叔勢被服儒雅居弟擇寧僻
處門宇卑陋以終其身至今不為勢家所奪猶
存其舊吳公搢字才老仲公參議字彌性皆名
士以女弟嫁吳而子仲為姻家其好賢類此故
子孫多賢公自幼承家方問孝有原委論議正
平性又彊記一經見聞輒不忘詩句清新有冰
翁之風一時名公多与之游自奉寒素而好濟

人之急篤於教子刮磨豪習二子三孫俱聯名
薦書繼顯先登嘉宣元年進士科藹然為儒家
矣某少隨侍都下嘗識風度而不及相接親見
公在部門丞相魏文節公為天官舅氏尚書汪
公為郎與公相厚稱美不容口冲佑漕淮浙為
太府卿兼叔刑部侍郎嚴州嘗為大理正兄弟
有貞譽俱得奉周旋公比知貢舉首閱榜帖一
見公之孫姓名為之忻然知孟氏之方吳而未
艾也得書以公之葬未有銘遠以見屬遂銘之
以慰孝思云銘曰

昭慈之至信安之忠輔成中吳盛德豐功公為
愛子餘慶所鍾問津即曹受知諸公位不稱德
壽弗及中積善曠達不于其躬子孫日吳益振
家風我惟詩之表于函宮以貢舉官國計一
六有周伯範墓誌銘
周氏為四以望族不惟名宦相繼而前輩源流
其來也遠孰不欲仕惟周氏之仕者多以壯年
退休有四休堂則家風可知明今為慶元府周
氏世為鄞人居城中西湖十洲之西君之高祖
告贈正議大夫曾祖師厚登皇祐五年進士科

娶范氏文正公之女忠宣公之姊也仕至朝散
郎任荆湖南路轉運判官贈銀青光祿大夫次
子曰鏐元豐二年登科娶胡氏右丞宗愈之女
兩娶王氏翰林李士觀之女又娶陳氏正言伯
強之女仕至中大夫才業尤高嘗以忠憤上書
遂陷黨籍又以外家妻族皆一時名公俱在女
黨動輒拘礙以徑世之才僅知南雄小郡矣士
大夫多痛惜之仲子諱淵亦有家聲仕止右儒
林郎娶俞氏君即儒林之子也諱摸字伯範性
敏悟承家世之傳幼篤志於孝如成人從濟南

劉壽天游又李書於睢陽徐濟父有楷法年才
十七而儒林下世兄弟終鮮四姊一妹俱未行
親黨為之危慮君雅有心計沈靜善謀既訖葬
送女兄弟俱歸里之善士皆人所難免喪之後
一卒不遂即棄奉子業一意世李播徑閱史幾
不釋卷以為名弟有命不可疆求不墜家聲足
矣建炎兵燬先庐蕩然儒林所居湫隘以此事
屬之君承先志大啓堂宇申於吾鄉奉累世
丘壟隨力葺理歲時修祀事物必親臨器必親
濯諸父既止從兄伯濟比鄰君事之如同氣榜

所居曰怡、堂以著其友愛之篤中大夫遺文
甚多如承宣集等行於世文集僅二十卷君恐
其久而墜失手加編校以千緡為銀版印造之
費始得家有此書年登半百即以楷擯施貧人
之喪所濟甚衆官道傾圯加以斃屍行者賴焉
經理家務井、有條時出其餘以周人之急姊
妹既行及宗族之踈遠者思意有差居間好客
觴豆絡日不倦晚又增葺後圃益以自適號待
閑居士從心之會鄉里合慶以為君福壽未艾
也明年是為嘉定元年三月二十九日以疾卒

于家娶朱氏子男二人曰燿慶元四年為鄉貢
進士次日曰烜先五年卒女三人長適汪之彥次
適鄉貢進士李夢龍幼在室孫男六壑垓圭均
堪埏女五長適陳鏌餘未笄先是朱夫人葬于
通遠鄉銀山燿將以十二月壬午奉君之柩合
焉君素了達不以窮通死生累其心預卜壽藏
美殯之備已十餘年吾邦舊有貢率之集仲舅
尚書汪公主監斯事君實與焉余投閒一紀從
容其間君少余一歲綦品又相近在會中尤為
親密後雖以憂患疾疾浸廢去冬西上君送于

郊握手道別尚期餘生為老伴侶聞君之訃盡
傷殊甚燿來求銘羨不得辭余有表妹之夫子
建植於君為疏族死無所歸君呼其子公使葬
於其先塋之傍公游李又任其掃松之勞是尤
可書也銘曰
四明之周著名吾州家在十洲堂有四休君承
其流抱才則優不伎不求公悔公尤家立身脩
晚益夷公樁公旣公籌里閭沈浮積善未酬如穉
有秋我銘諸幽後人其收
承奉即致仕李君墓誌銘

江口李氏某及識其五世矣始秉義諱珂善富
樂施鄉稱長者再娶王氏實提奉廣東市舶勲
之女兄太府卿正己之姑也卿為之姑之夫
以是與李氏有連公生長外門幼年外祖汪公
少師外祖母越國王夫人過其家先妣吳國攜
侍行時李氏鼎盛夫婦偕老子孫滿前宴樂連
日侍御史王公伯庠銘秉義之墓謂其持心廣
大与造物者合三子長諱伯字子列尤善幹蠱
奉親有稱仕為修武郎建炎三年虜殘四明遊
騎向奉川出財力募鄉兵守禦邑境以全某嘗

記其事甚詳是生九子第四子諱充庭則君也
字伯振資孝謹最為大父母鍾愛昆弟既衆家
折而非舊矣君躬行善道刻意教子元白居長
受孝于舒貳車元彬婦以淑諸弟既為大孝上
舍優選待年廷試第及子俱有場屋聲聽翮科
級說伯中嘉定元年進士第迪功郎監紹興府
三江鹽場詒伯鄉貢進士訓伯因孝免解以稱
內舍生又中上舍選以制中開禧元年進士第
迪功郎新紹興府餘姚縣尉詞伯在兄弟間才
氣實相上下雖進取未効而士友固已期之從

子森同以舍法待年從弟之子誨伯亦薦于鄉
於是文風大振遂為儒門鄉里歆艷其與未艾
也君沖澹其物志競善處宗黨周旋彌縫之間
言父母既沒持弟妹畢昏嫁經理不遺餘力親
族子弟不問矣否一家誨誘里中間有疆曠之
人遇君輒斂避教子以跋履為先不專可卒業
諸子孳成而不偶不以介意及其名第寢與視
之亦藐然人莫窺其際平居以書史自娛前言
往行有契於心者必書之座右首曰有一言而
可以終身行之者其恕乎如心之謂恕也又曰

我必不忠不仁無禮皆自及之道也又曰一飯
之德必報況其有甚於一飯之德者乎可以知
君所存矣間作歌詩平淡如其人閱名臣言行
錄遇合意即作詩以記之至百餘篇慈福宮
慶典以二子在學封迪功郎嘉定二年郊祀恩
轉承奉郎就養三江以疾卒于官舍實三年十
月二十三日也娶張氏封孺人朝奉郎嗣良之
女姑之子也六男子長即元白次詵伯詒伯詞
伯誠伯訓伯惜語伯誠伯先卒女四人黃直愛
張復袁邦傑張繹其壻也孫九人以稱以制以

牧以豫以靖以寧以生以似以翼孫女六人長
適袁沂餘在室曾孫女一人明年閏二月甲子
諸孤葬君子於鄞縣塔嶺之原書來求銘數年以
來日見李氏昆仲奮發益歎積善餘慶之盛聞
君既亡家人始得遺言於篋中區處後事甚悉
且戒喪葬俱循古制無徇世俗有曰家中遺產
惟有一經教子而已又曰吾幸有子所欠惟一
死不以諱也賢哉銘曰
祖開慶門父全鄉邑君繼以善子孫玉立或升
于季或薦于鄉儒風大振名第相望衣冠方與

所貴持久毋渝淳則用篤厥後
承議郎謝君墓誌銘

余家世業儒五世祖正議始以鄉先生決科起
家五子俱傳業而季子夢弼諱肖尤攻小學又
傳其五子其仲元應諱弄獨殿諸老說文解字
經典釋文始末通貫幾於成誦侍教累年故
頗知字學客授東嘉與諸名士游獨謝君季澤
最為同好相與考訂文字毫髮必計後十五年
復叨假守時過郡齋晤語甚樂也別後時見其
筆書愈工余既投閒聞其凶矣凶又十五年當

嘉定四年得其子有開書以銘為請既列君之
行實又以張忠父所作乃祖志銘陳君奉序君
所著正字韻類五卷來持其書為之傷嘆此真
季澤留意之書也因為掇其大槩而系以銘君
諱粵季澤其字也溫之永嘉人曾祖文淵祖君
任有鄉行父知柔嘗居瑞安之樂善里人稱
樂善先生君仕陞朝贈承事郎母張氏贈孺人
兄默有声上庠君性穎悟承父兄之訓博學強
記自經子百家之書皆于自校定音訓句讀一
不苟以是文亦日進援筆立就不為艱深之

不得辭謹據所示行述書而銘之銀青諱帥說
字德承曾祖宗象累贈太師魏國公祖邦彥故
任朝奉大夫尚書屯田員外郎累贈太師齊國
公父時中故任左中大夫直龍圖閣累贈通議
大夫公之二伯父以文季被 固陵深知迭掌
翰苑繼為丞轄樞廷家聲臨一時公少在富貴
中而天資冲澹惟專意於學自為程度夙兩不
渝由伯父任補承務郎銳情舉業兩占薦書高
選父母既鍾愛之公亦不忍離鄰下既冠三請
祠祿以便養龍圖勉以仕始為潼川府路轉運

按四庫缺三頁

自校定音訓句讀一
筆立就不為艱深之

嘉定四年得其子有開書以銘為請既列君之
行實又以張忠父所作乃祖志銘陳君奉序君
所著正字韻類五卷來持其書為之傷嘆此真
季澤留意之本也因為掇其大槩而系以銘君
諱雱季澤其字也溫之永嘉人曾祖文淵祖君
任有鄉行父知柔嘗居瑞安之樂善里：人稱
樂善先生君仕陞朝贈承事郎母張氏贈孺人
兄默有声上庠君性穎悟承父兄之訓博學強
不得辭謹據所示行述書而銘之銀青諱帥說
字德承曾祖宗象累贈太師魏國公祖邦彥故
任朝奉大夫尚書屯田員外郎累贈太師齊國
公父時中故任左中大夫直龍圖閣累贈通議
大夫公之二伯父以文季被 固陵深知迭掌
翰苑繼為丞轄樞廷家聲臨一時公少在富貴
中而天資冲澹惟專意於學自為程度夙兩不
渝由伯父任補承務郎銳情舉業兩占薦書高
選父母既鍾愛之公亦不忍離鄰下既冠三請
祠祿以便養龍圖勉以仕始為潼川府路轉運

司主管文字使長喜吳獄一道駭然州邑為之
屏息凌忽官寮雖有言不屑也公氣平而語勁
遇事堅執未嘗少屈下期於用已之孝長為飲
客獄亦寢息餓丁毋頌人房氏憂父既奉祀公
亦不調尤圖服除又任常平司幹辦公事甫到
官而以疾卒年止四十實紹興二十六年五月
二十八日也官止奉議郎平時鄉黨樞紳品論
世家子弟之賢必以公為稱首至是相與嗟惜
又不能自己也兩娶房氏贈通議文安郡夫人
四子紹猷故奉直大夫知漢州紹諤故文林郎

知叙州南谿縣次紹彭由叔戶部侍郎右文殿
修撰知太平州次紹節以尤圖洽命繼伯祖樞
密太傅肅愍公後端明殿學士簽書樞密院事
兼太子賓客一女適承議郎新知簡州楊思成
孫五人景韓景脩俱終於將仕郎景琦迪功郎
監漢州商稅景度儒林郎添差兩浙西路提點
司獄司幹辦公事景厚迪功郎邛州安仁縣尉
孫女三人曾孫二人二子以郊恩累贈公銀青
光祿大夫以公年八月日葬于廣都縣龍華
山之原後三十餘年文安夫人祔焉公既蚤歿

諸子尚幼公之孝行俱不得顯於世文安每奉公之遺烈以教之大略以為公之讀書為文皆有繩準經史百家之言悉以次第播閱沈潛及覆隨疏坐右旦為公書夜為公氏之文手鈔成誦若布衣初孝之勤者喜與士友談易時誦家人正家之道以勉我相敬如賓公退則閉閣弦誦哦詩緝文一不以家事介意此皆公之所安而道行於妻子之實也歐陽公幼失所怙罔知其父崇公之詳其見於瀧岡阡表者皆鄧夫人之言也敢引以為比公之隱德所謂拜此其身

在其子孫貳卿方以名從臣出典藩方樞密先膺大用宇文氏之吳真未艾也天之振施豈不

昭乎銘曰

宇文之先其積已厚樞筆丞轄赫然華胄公居其間卓稱孝秀天爵為貴多文為富學優入仕不渝素守出門軸折才不及究非此其身宜昌厥後我惟銘之用詔不朽

文安郡夫人房氏墓誌銘

夫人姓房氏諱妙光其先顯於唐廣明中扈運西狩因家于成都之華陽曾祖審能贈朝請郎

妣安人宇文氏祖希累朝散郎贈通議大夫妣
碩人張氏杜氏父永朝奉大夫通判嘉州妣宜
人張氏夫人性明悟在群兒中獨若成人少長
事親知色唯之義不但長於女工也宇文氏世
有姻好嘉州先以次女滷直在圖閣時中之子
銀青公師說又以第四女繼室是為夫人夫人
之姑姑也未幾即世執喪哀慕扶護以歸又謹
視在圖次舍食飲之宜已而治閭內奉烝嘗一
如姑言恙時以寬就圖悼亡之悲銀青為潼川
漕幕夫人年才過笄恪守家法食不重肉而豐

賓客之奉夫子尺職不苟退則耽書一不以事
物自嬰內助之力也嘗侍龍圖疾奉藥餌甚謹
少間曰吾婦孝敬他日願汝子婦如此銀青事
兄如父夫人待長姒如姑百口無間言銀青卒
於潼川倉司夫人三十有二諸子皆幼送終治
葬無一不尽自後專意教子晝夜不怠又舉銀
青學行以為法故諸子益自刻苦相繼預薦季
子紹節遂登淳熙十四年進士第銀青之兄赴
合州夫人領諸子百里舍教愈力用愈儉歲入
之餘悉儲以聽一豪不自私合州晚歲間適夫

人與其如分月主家務或客至紛沓供酒肴有
倦色伯與如皆敬歡之如既寡居相好益篤事
無大小未嘗先可否至不敢專席而坐若非輩
行然二十年如一日親黨皆以為不可及如止
中壽四女未行悲卹拊摩不啻已出俱使之得
所歸長子紹猷得官成都張宜人年高喜於便
親即听迎侍一二日必歸母側曲尽孝養宜人
及見外孫以次授室相繼出仕謂夫人曰汝父
與舅皆稱汝孝盛年守志不以悲哀亂所守固
知其有今日矣送子之官戒飭尤備引雋不疑

之母之語及談上世官業以勉之且俾廉勤首
公無躁進無詭隨不以馳騫寵祿為急也肅愍
公靖康奉使結約舉義謀泄遭變盡室死之龍
圖命銀青以紹節繼伯祖為係甫冠夫人即遣
詣行在所以其事本末請于朝留卜寒暑每以
書戒其盡力毋念我事既昭明卹典優渥乃俾
追喪畧無嫌忌人尤以為難平生動中準繩高
見絕識有士大夫所不逮然語笑不妄發未嘗
以所長自為表襮賙人之急如恐勿及故奩衣
襦久而如新視世之紛華榮輝一無所累中其

者淳熙九年六月十八日卒享年五十有九明年十一月甲子祔于銀青之墓子女孫曾悉在銀青誌中嗚呼夫人在家為賢女既嫁為孝婦妻道母道又皆盡可以為閨門之規範矣是宜銘銘曰

彤管不作傳姆無教孰能閨門惟敬惟孝猗歟夫人謹于三從事如如姑又篤其終義方尤嚴繩繩子孫慶必有餘川至雲委典刑如存是為壺彝凡此婦道百世仰之

朝散郎致仕宋君墓誌銘

隆興改元永嘉進士得人最盛尚書木蘊之既在魁選一郡同登至二十七人余忝末科至乾道七年客授此邦三年間多與同年往還甚樂也後又假守則在者已寡矣今四十載惟餘參議光遠宋二車正卿在鑰亦偶未死故三人特以音問往來而正卿又亡矣明年其弟習之持書求銘正卿之墓投涕之餘為序其平生而系之銘且請光遠篆其蓋云君諱晉之正卿其字也舊銘孝先字舜卿五季時處士靖自福之長谿徙溫之樂清邑有張文君隱居築室為鄰而

緱山僊人吹簫臺峙其前真勝地也今八葉矣
子孫繁衍為名族曾祖惟表祖世則俱晦德不
耀考允修行義過人有聲舍選而終不偶篤意
教子既口授以尚書大義又力貧為之擇師君
既升朝生封承務郎後又贈至奉直大夫妣萬
氏繼母張氏皆贈恭人由是邑人益勵子于學
君幼穎悟日誦數百千言弱冠從梅溪先生王
公十朋游學徒四百人獨君首出王公罷之曾
以詩贈別褒借甚至未幾入太學登乙科授左
迪功郎汀州司戶參軍王公又以詩送行期待

尤遠到官明銳任事不擇劇易郡政待戶曹乃
決有霍霽手之名秋稼加耗病民君以郡命蠲
之人皆謹服校交文三山士踰二萬杜君申有
場屋聲又嘗名薦書文卷已遭摧剝君識于衆
人中引義力爭竟寘舉首果以經魁南省人尤
服鑒裁之明時丞相王公淮檢正吳公龜年少
知鄭公伯熊同為部使者皆欲出其門外移長
谿丞縣去福州數百里休戚幾不相同丞相陳
公俊卿為帥君言邑之利病多所開納贊其長
黃君藻和而不同相得尤深罷官祖餞揮涕而

別海舟之隸于邑者數千艘君既被擢總籍其
目分番以備調發舟人安之時造戰艦期會趣
迫君緩其期事亦隨辦代木必親相視而後取
其免于斧斤者號宋公松丁奉直憂治喪諸費
一金不仰于公家歸營葬送仍自為壽藏于側
泣曰尚當供于地下也除服調臨海令以辦治
聞催科不擾囹圄屢空太守邀入簽暮郡縣視
猶一體知無不為輶車行部士民遮道稱德政
者動數百人樞密丘公密為憲使率諸臺薦于
朝及去官壺漿攀戀旂幟咽道相望不絕前此

未有也再調光化令鄉人王公自中為守每稱
為老生被邊事簡作亭豐山之顛遙望臥龍舊
隱暇日相與登高弔古和詩度曲不復以僚屬
相遇改奉議郎知奉化縣君三更邑寄熟于網
目刊方為圜坐以無事民大愛之丞相謝公深
甫臨海人素知治行時在參預欲引之周行君
赴部授信州通判以歸佐郡期月即引年求謝
事謝公又卻其請且勉留之秩滿竟以朝散郎
致仕或謂理賞可及正郎君曰不翅足矣翩然
還家聞者愧服天資孝友奉直素為鄉曲所敬

憚以儒術自信黜釋老之說每曰親亡而藉緇黃以薦何待之薄也死歆速葬或溺于陰陽家之言以幸富貴至累年不入土者不孝為大其卓見類如此君之執喪一遵遺言追慕老而不衰歲時祭祀焄蒿悽愴如將見之言及則必泣然弟習之少君四十歲之撫如子捐祖產以畀之而不忍析爨弟亦恭謹好學事君猶父門內以禮法稱護故塋如護頭目拜掃必躬必親宗党貧者收卹經紀有孤女則為遣嫁之不惟子弟承教修飭廝僕亦能以生事相戒有古樟蔭

蔽甚廣自號樟坡居士晚又築亭其上榜曰可高賦詩賡酬者衆鑰亦預焉嘉定四年八月屬疾終于家享年八十有六娶孫氏繼萬氏皆贈安人二子長曰統迪功郎寧德主簿衢州比較務調邵武軍司法資稟端重居家臨政綽有父風不幸先二年亡矣次曰纓孫四人佝僂倣皆業儒幼曰宅孫女四人伯適進士劉頤仲適國學進士張復道叔從浮屠名法定季適進士萬達孫女三人習之與纓將以五年十月丁酉葬君于縣蓋竹山寔附先塋君志也君敏而靜貫

穿百家不為艱深之文明白豐蔀詩辭高勝淡
而實腴即席唱酬鋒起泉湧人畏其捷而服其
工所至留心風教勉厲後學長谿有隱君子林
君維屏弼榕臺先生君屈致邑庠遇講書與其
長率邑之寓公聽焉學者益勵丞相梁文靖公
聞之遂招入郡中一時政化之盛君實啓之憂
居開義學來者輒受勸諭有文齋舍有銘深衣
大帶濟々翼翼習俗益媿臨海官事整暇太守
熊公克遇視學則請君為說春秋光化既為一
新軍學至奉化則又親見之銳意興作里士監

南嶽廟汪君偁與其弟分斤家財為之倡衆亦
競勸輸與鼎新照映山川舉梁之文落成之記
皆鑰為之自爾果舉得士為多家素貧孫安人
初以田四頃自隨伏臘粗給仕幾四紀無一丘
之益客至必留盡歡或假貸以續食為不堪晏
如也歸老餘年齒落復生髮白更黑頽然為鄉
曲之望詩文甚多隨有散佚今惟乾坤二卦中
庸大學禹貢洪範講義春秋十二公論各一卷
歷代中興君臣論二卷擬進萬言書一卷樟坡
集三十卷歲為銘曰

阜陵取士隆興之春惟溫最盛二十七人我幸
同升游宦海濱相與往來久而益親四十餘年
如星向晨惟宋與余壽踰八旬宋君忽焉而迹
遽陳行義治政藹然弗泯難弟貽書其請甚勤
哀懷易感勒銘翠珉

從兄樓府君墓誌銘

我大父太師齊國公五子二十五孫惟九伯父
五子皆鑰之兄也諸兄凋零殆盡惟兄長鑰一
歲自幼少追逐晚益相親鑰投閒十三年時
步屨相遇山肴野蔌聽琴觀奕酒酣而歸甚適

也憂患之餘既掛衣冠期與兄樂此晚暮嚴
名還朝重惜此別初謂可以復尋舊銘兄亦
促蚤歸忽聞兄訃驚痛不自勝乞身未遂又
聞將葬二子來求銘嗚呼遂無兄可事矣雪
涕書之兄諱銖字少及吾家世為明之奉化
人入城而著籍于鄞者至吾兄弟五世矣推
而上之僅得八世積得有數至高祖先生諱
郁決科起家一仕遽休仍教授鄉里官止大
理評事累贈正議大夫曾祖諱常朝議大夫
累贈太傅祖諱昇徽猷閣直學士累贈太師

齊國公父諱琚朝散郎母陳氏封安人朝散
兒女俱象與安人勤儉治家尤篤意教子叔
子鉉有場屋盛名以丙科仕至臨安教官季
子鉅亦自太學晚為歛丞兄幼子也天姿謹
恪讀書之外竭力事親于伯仲間急病讓夷
心計精密既不及祿仕一意守家法安分知
足自奉至薄量入為用數十年如一日朝散
得齊公繼續堂故基為宅後既不足以容衆
兄得田三畝力營築室未幾落成過者駭觀
入其家濟々如禪房精舍地無一塵闢門臨

水得城南勝處內地纔幾弓花卉果蔬手植以
供小摘之需真隱士廬也朝而誦經晝則假寢
暮止三酌陶然自適一呼燭則不復飲食故絕
少疾病性諒直語輒見肺肝親故有過忠告或
而折之自謂愛人以德人亦諒而服之奉丘壟
及致祭謹甚一物一器必出親臨尤好賓客至
則談笑款洽小酌亦有恩義夫婦齊年俱至七
十親党合樂高會扁其堂曰雙慶冬至元旦鄉
校有序拜之禮兄必夙戒子弟率先而往風雨
不渝每自言曰吾無才術以發身賴祖先宗族

之庇處夏屋三紀何以堪之生計素薄不足以
卒歲斤：自處人不見其際遂為鄉里善人以
終嘉定四年六月屬疾初無他苦丙申卒于家
享年七十有六娶寧海李氏克相夫子以齊其
家二子浹洽一女適文郎林撫州崇仁縣丞舒
祐孫六人權柄校摺檜檣俱業儒柄出繼為長
兄主簿鈺之孫：女口人長適方楷次許適舒
樞外孫也餘尚幼將以五年八月丙申葬兄于
通遠鄉金谷之原植德菴後兄所自卜欲從父
兄于地下也兄雖出世家辛苦自立竹頭木屑

未始輕棄物多可為兩用若瑣者先具美櫝
壽藏維一日二日可為者亦皆豫辦畧無拘忌
之嫌又可見兄之曠達矣二子事親素謹兄亦
以家務分委之繼續舊堂幾不能保兄言之或
至泣下決力圖而得之兄又喜甚將以故扁揭
之未能也鑰既不得歸奉吾兄自念叨竊逾分
上有憂責下困應酬每起伏波羨少游之嘆今
日東望尤為心折淚迸哀哉無及也已銘曰
齊公守鄉始立錦坊五家聚處昆令季強兄之
與我親如同氣期盡此生日夕陪侍病不及問

喪不得歸尚銘諸幽以寫我悲鄉里善人又以
考終咨爾後來尚振素風

玫瑰先生文集卷一百十五

